

Nadzorni odbor JKP „BIOŠTICA“ D.O.O. OLOVO

Na osnovu člana 12. Zakona o javnim preduzećima u Federaciji Bosne i Hercegovine („Službene novine Federacije BiH“, broj 8/05, 81/08, 22/09 i 109/12), člana 31. Statuta Javnog komunalnog preduzeća „Bioštica“ d.o.o. Olovo i Odluke o raspisivanju javnog konkursa za izbor i imenovanje na poziciju direktora JKP „Bioštica“ d.o.o. Olovo broj: 03-03/26 od 23.01.2026.godine, Nadzorni odbor JKP „Bioštica“ d.o.o. Olovo raspisuje:

JAVNI KONKURS

ZA IZBOR I IMENOVANJE NA POZICIJU DIREKTORA JKP „BIOŠTICA“ D.O.O. OLOVO

I. Raspisuje se Javni konkurs za izbor i imenovanje na poziciju direktora JKP „Bioštica“ d.o.o. Olovo na mandatni period od 4 (četiri) godine.

II. Opis pozicije:

Direktor preduzeća nadležan je za:

- organizaciju i vođenje poslovanja preduzeća;
- organizaciju i rukovođenje procesom rada;
- utvrđivanje razvojne i poslovne politike;
- zaključivanje ugovora i poduzimanje i drugih pravnih radnji, zastupanje Preduzeća pred sudovima i drugim organima i u odnosima sa trećim licima;
- zakonitost rada preduzeća, za što je odgovoran Nadzornom odboru i osnivaču;
- izveštavanje Nadzornog odbora preduzeća na njegov zahtjev;
- provedbu Statuta, Etičkog kodeksa i drugih akata Preduzeća;
- izradu i nadgledanje realizacije planova poslovanja;
- osiguravanje i nadziranje uposlenika kod provedbe propisa za postupak javnih nabavki;
- izradu kalkulacije cijena komunalnih usluga;
- pripremu prijedloga Pravilnika o radu i Pravilnika o načinu utvrđivanja odgovornosti zaposlenika za povrede radne obaveze (disciplinska odgovornost), kao i ostalih općih akata i dostavljanje nadležnim organima preduzeća na usvajanje;
- pripremanje prijedloga za raspodjelu dobiti ili pokriće gubitka;
- zapošljavanje i otpuštanje zaposlenika prema Pravilniku o radu i važećim propisima;
- zastupanje preduzeća prema trećim licima;
- staranje i odgovornost za zakonitost rada preduzeća;
- implementaciju Etičkog kodeksa u preduzeću;
- primjenu preporuka Odbora za reviziju;
- poduzimanje radnji na registraciji Preduzeća;
- druge aktivnosti neophodne za nesmetano poslovanje preduzeća.
-

Položaj, ovlaštenja, odgovornost i prava direktora uređuju se menadžerskim ugovorom na određeno vrijeme (mandatni period od četiri godine) između Nadzornog odbora i direktora preduzeća.

III. Opći uvjeti

- 1) da je državljanin Bosne i Hercegovine;
- 2) da nije pod optužnicom Međunarodnog suda za ratne zločine (član IX.1. Ustava Bosne i Hercegovine);
- 3) da nije osuđivan za krivično djelo i za prekršaj nespojiv sa dužnošću direktora, pet godina od dana pravomoćnosti presude, isključujući vrijeme zatvorske kazne, te da mu presudom suda nije zabranjeno obavljanje aktivnosti koje su u nadležnosti direktora;
- 4) da nije izabrani zvaničnik, nosilac izvršne funkcije ili savjetnik u smislu člana 4. i člana 5., a u vezi sa članom 3. Zakona o sukobu interesa u organima vlasti Bosne i Hercegovine („Službeni glasnik BiH“, broj 16/02,14/03,12/04,63/08 i 18/12);
- 5) da ne obavlja dužnost ili aktivnost izabranog dužnosnika, nosioca izvršne funkcije ili savjetnika po članu 4. i članu 5. Zakona o sukobu interesa u organima vlasti u Federaciji BiH, (Službene novine Federacije BiH, broj 70/08);
- 6) da ne vrši funkciju u političkoj stranci u smislu člana 12. Zakona o javnim preduzećima u Federaciji Bosne i Hercegovine („Službene novine Federacije BiH“, broj 8/05, 81/08, 22/09, i 109/12.)
- 7) da nema privatni finansijski interes u JKP „Bioštica“ d.o.o. Olovo;
- 8) da nije direktor ili član uprave u drugom privrednom društvu ili instituciji;
- 9) da nije predsjednik ili član nadzornog odbora, upravnog odbora ili odbora za reviziju u drugom privrednom društvu ili instituciji;
- 10) da je prošao odgovarajuće stručno osposobljavanje u skladu sa članom 252. stav (3) Zakona o privrednim društvima („Službene novine Federacije BiH“, broj 81/15) odnosno Izjava da će u periodu od 6 (šest) mjeseci proći stručno usavršavanje i steći sertifikat;
- 11) da ne postoje druge zakonske smetnje za obavljanje poslova direktora.

IV. Posebni uvjeti

- da posjeduje višu ili visoku stručnu spremu;
- da ima najmanje 5 (pet) godina radnog staža;
- da ima pozitivne preporuke ranijih poslodavaca;
- da posjeduje organizacijske i menadžerske sposobnosti rukovođenja preduzećem;
- da ponudi program razvoja preduzeća za period od četiri godine.

V. Potrebna dokumenta

- 1) prijava na konkurs;
- 2) uvjerenje o državljanstvu;
- 3) izvod iz matične knjige rođenih;
- 4) diploma o završenom školovanju;

5) dokaz o radnom iskustvu;

6) izjava ovjerena od nadležnog općinskog organa da se na kandidata ne odnose odredbe iz tačke III, alineje 2,4,5,6,7,8,9 i 11.

7) program razvoja preduzeća za period od četiri (4) godine;

8) certifikat o završenom usavršavanju po programu usavršavanja predsjednika i članova nadzornih odbora i uprava privrednih društava sa učešćem državnog kapitala odnosno Izjava da će u periodu od 6 (šest) mjeseci proći stručno usavršavanje i steći navedeni certifikat.

Ispunjavanje uvjeta iz tačke III, alineje 3 za izabranog kandidata provjeravat će se službenim putem. Obrazac prijave na konkurs se može uzeti u prostorijama preduzeća. Dokumenta iz alineja: 2, 3, 4, 5, 6 i 8 ovog člana moraju biti originali ili ovjerene fotokopije.

Obrazac izjave iz alineje 6. ovog člana može se preuzeti u prostorijama preduzeća.

Ovjerene fotokopije dokumenata ne smiju biti starije od 3 mjeseca.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka BiH („Službeni glasnik BiH“, broj 12/25).

Bilo koji kandidat ili bilo koje lice – član javnosti, može podnijeti prigovor na konačno imenovanje ako postoje dokazi da u procesu imenovanja nisu ispoštovani principi i postupci utvrđeni zakonom. Prigovor se podnosi Nadzornom odboru JKP „Bioštica“ d.o.o. Olovo u roku od osam (8) dana od dana prijema obavijesti o imenovanju.

Izbor i imenovanje se vrši na period od 4 (četiri) godine, a saglasnost Nadzornom odboru na izbor i imenovanje direktora daje Skupština preduzeća.

Konkurs će se sprovesti transparentno, nezavisnim i selektivnim postupkom i bit će izabran kandidat koji po menadžerskim znanjima i sposobnostima i iskustvu odgovara izvršenju operativnih i poslovnih potreba preduzeća.

Nepotpune i neblagovremene prijave neće se uzimati u razmatranje.

Sa kandidatima koji uđu u užu izbor obaviće se intervju. Konkurs za podnošenje prijava ostaje otvoren 15 dana od dana objavljivanja. Posljednji dan podnošenja prijava računa se prema datumu objave u glasilu, koje posljednje bude objavilo oglas. Oglas će se objaviti u „Službenom listu BiH“ i dnevnom listu „Oslobođenje“, web stranici osnivača te web stranici preduzeća.

Preduzeće nije obavezno vraćati dokumentaciju dostavljenu uz prijavu.

Prijave sa traženom dokumentacijom dostavljati lično ili preporučenom poštom na adresu:

JKP „Bioštica“ d.o.o. Olovo, UL. Školska 3, 71340 Olovo,

sa naznakom: Prijava za konkurs za izbor direktora – otvara Nadzorni odbor.

Broj: 03-04/26

Olovo, 09.02.2026. godine

Nadzorni odbor

JKP „Bioštica“ d.o.o. Olovo